

ҚАЗАҚСТАН РЕСПУБЛИКАСЫ  
ҒЫЛЫМ ЖӘНЕ ЖОҒАРЫ БІЛІМ МИНИСТРЛІГІ

Өзбекәлі Жәнібеков атындағы  
Оңтүстік Қазақстан педагогикалық университеті



# БІЛІМ АЛУШЫЛАРҒА ЖОЛ КӨРСЕТКІШ



Шымкент, 2024

## МАЗМҰНЫ

|   |    |
|---|----|
| Университет ректорының құттықтауы .....                   | 2  |
| Шежірелі шаңырақ.....                                     | 3  |
| Оқу ғимараттары және студенттер үйі.....                  | 4  |
| Студенттердің құқықтары мен міндеттері.....               | 6  |
| ID карта алу. Коорпоративтік пошта.....                   | 7  |
| Жатақханаға орналасу процедурасы.....                     | 7  |
| Академиялық адалдық қағидаттары.....                      | 8  |
| 2023-2024 оқу жылына арналған академиялық күнтізбе.....   | 8  |
| Оқытудың кредиттік технологиясы.....                      | 9  |
| Оқу пәндеріне тіркелу және жеке оқу жоспарларын құру..... | 9  |
| Студенттердің оқу сабақтарына қатысуы.....                | 10 |
| Студенттердің оқу жетістіктерін бақылау.....              | 10 |
| Студенттерді оқудан шығару.....                           | 12 |
| Қашықтықтан білім беру технологиясы бойынша оқу.....      | 12 |
| GRA және оны есептеу әдісі.....                           | 13 |
| Оқыту порталы.....  | 14 |
| Тіркеу офісі.....   | 14 |
| «Үміт» білім алушыларға қызмет көрсету орталығы.....      | 14 |
| Физика-математика факультеті.....                         | 15 |
| Жаратылыстану факультеті.....                             | 15 |
| Тарих және педагогика факультеті.....                     | 16 |
| Филология факультеті.....                                 | 16 |
| Дене шынықтыру және спорт факультеті.....                 | 17 |
| Өнер және білім факультеті.....                           | 17 |
| Кітапхана және электрондық каталогтар.....                | 18 |
| IT департаменті.....                                      | 19 |
| Қоғамдық кәсіптер орталығы. Үйірмелер.....                | 19 |
| Әскери кафедра.....                                       | 20 |
| Студенттік өмір.....                                      | 22 |
| Денсаулық – терең байлық .....                            | 24 |
| Маңызды байланыс желілері.....                            | 24 |



### **Қымбатты жас дос!**

Сізді Өзбекәлі Жәнібеков атындағы Оңтүстік Қазақстан педагогикалық университеті студенттері қатарына қосылуыңызбен шын жүректен құттықтаймын! Ұстаздар ұстаханасы атанған шежірелі қара шаңырақ – Өзбекәлі Жәнібеков атындағы Оңтүстік Қазақстан педагогикалық университетіне қош келдіңіз!

Сіз өте дұрыс таңдау жасадыңыз! Еліміздегі педагогикалық оқу орындары арасында үздік бестікке кіретін білім, ғылым мен тәрбиенің киелі ордасынан талай білімпаз, ғұлама, айтулы ақын-жазушы, ұлағатты ұстаз, қоғам қайраткерлері қанаттанып, түлеп ұшқан. Оқу орнымыздың ғана емес, еліміздің мақтанышына айналған танымал тұлғаларымыздың өнегелі жолын жалғастыра отырып, үздік студент болуыңызды қалаймыз.

Сіздерге табысты, тәжірибелі педагогтар, ғылым докторлары, профессор, академиктер дәріс береді. Отандық, шетелдік озық ғалымдардың ғылыми бағыттардың жетістіктерімен, жаңа білім беру мазмұны мен әдістерімен таныс бола отырып, кәсіби маман болуға қажетті білім-дағдыларды игересіздер. Студенттік өмір тек сабақ оқумен, ғылыммен айналысумен шектелмейді. Оқу орнындағы Жастармен жұмыс бөлімі, Студенттік ректорат құрамындағы ұйымдар студенттік шақты мазмұнды, қызықты етіп өткізуге қол ұшын созуға дайын. Қоғамдық кәсіптер даярлау орталығындағы үйірмелердің біріне қатыссаңыз, мектеп мұғаліміне қажетті қосымша кәсіп үйренесіз.

Президентіміз Қасым-Жомарт Тоқаев атап көрсеткендей, «Абай айтқан бес асыл іске берік – талапшыл, еңбекшіл, ойшыл, қанағатшыл, рақымшыл болсаңыз, болашағыңыз жарқын, жұлдызыңыз жоғары болмақ!»

Тәуелсіз еліміздің білгір, саналы азаматы, кәсіпқой маманы болуға ұмтылыңыз! Ол үшін біз өз тарапымыздан барлық жағдай мен жан-жақты мүмкіндікті жасаймыз.

Тұғыры биік, еңселі еліміздің білімді, білікті, ізгілікті ұстазы, мемлекеттік, ұлттық ұстанымға адал, отаншыл азаматы болуыңызға тілектеспін!

*Ізгі ниетпен, Өзбекәлі Жәнібеков атындағы  
Оңтүстік Қазақстан педагогикалық университетінің  
Басқарма төрағасы – Ректордың уақытша міндетін атқарушы  
Сүгірбаева Гүлжан Дәулетбекқызы*

## Шежірелі шаңырақ

Сізді Қазақстанның ең байырғы оқу ордасы негізінде құрылған еңселі білім шаңырағында көргенімізге қуаныштымыз!

1937 жылы оңтүстікте бірінші ашылған екі жылдық мұғалімдер институты 1954 жылы Шымкент педагогикалық институты болып қайта құрылды. Педагогикалық институт оңтүстік өңіріндегі ең алғашқы жоғары оқу орны болды. Осы уақыт аралығында еліміздің сол кезеңдегі маңдайалды алғашқы зиялылары, ғалым ұстаздары еңбек еткен қасиетті де киелі қара шаңырақ тек облыс көлемінде ғана емес, республикамыздың басқа да аймақтары үшін мыңдаған білікті маман педагогтарды даярлап шығарды. Біз белгілі ақын-жазушылар, қоғам және мемлекет қайраткерлері М.Шаханов, Ә.Дербісәлі, Х.Есенқарақызы, Н.Бегалыұлы, И.Сапарбай, Е.Бопова, К.Алипова, С.Барақова сияқты тұлғтерімізбен мақтанамыз.

1993 жылы Шымкент педагогикалық институты ҚР Үкіметінің қаулысымен Түркістан қаласында жаңадан ашылған Қ.А.Ясауи атындағы Халықаралық қазақ-түрік университетінің құрамына кірді.

ҚР Үкіметінің 2011 жылғы 28 маусымдағы №722 қаулысымен Оңтүстік Қазақстан мемлекеттік педагогикалық институты болып қайта ашылды. 2017 жылдың 17 қарашасында ҚР Үкіметінің №753 Қаулысымен Оңтүстік Қазақстан мемлекеттік педагогикалық институтына университет мәртебесі берілді.

2018 жылдың 16 қазанында Үкіметтің №649 Қаулысымен «Оңтүстік Қазақстан мемлекеттік педагогикалық университеті» коммерциялық емес акционерлік қоғамы болды. 2019 жылдың 12 сәуірінде Шымкент қаласы Әл-Фараби ауданының Әділет басқармасында заңды түрде мемлекеттік тіркеуден өтті.

ҚР Ғылым және жоғары білім министрінің 2023 жылдың 3 қазанындағы №512 бұйрығымен мемлекет және қоғам қайраткері Өзбекәлі Жәнібековтің есімі беріліп, «Өзбекәлі Жәнібеков атындағы Оңтүстік Қазақстан педагогикалық университеті» коммерциялық емес акционерлік қоғамы болып өзгерді.

Жаңадан қайта түлеп, жаңашылдық пен рухани жанашырлықтың жаршысына айналған Өзбекәлі Жәнібеков атындағы Оңтүстік Қазақстан педагогикалық университеті аймақтағы алдыңғы қатарлы ғылым мен білім, тәрбие ордасы саналады. Қазіргі таңда университетте бакалаврдың – 34, магистратураның – 22 және докторантураның 12 білім беру бағдарламасы бойынша сапалы білім беріліп, бәсекеге қабілетті болашақ мамандар даярлануда.

**Университеттің миссиясы** –білім саласындағы озық тәжірибелер негізінде адами капитал сапасын арттыру.

Сонымен қатар, Өзбекәлі Жәнібеков атындағы Оңтүстік Қазақстан педагогикалық университеті стратегиялық жоспарлау міндеттерін жүзеге асыру нәтижесінде Қазақстанның жоғары білім беру жүйесін дамытудың әдістемелік орталығы мен көшбасшысының бірі ретінде әлемдік деңгей талаптарына сай заманауи ЖОО-ға, жаңа форматтағы білім беру және ғылым хабына айналуы көздейді.

Қазіргі таңда университет беделін көтеру, үш тілді білім беруді жетілдіру, мамандар сапасын жоғары деңгейге жеткізу бағытында жүйелі жұмыстар

*жүргізілуде. Ол үшін, ең алдымен, студенттердің жан-жақты, шығармашылықпен білім алуына бар жағдайды жасаймыз. Білім, ғылым салаларына және білікті, бәсекеге қабілетті маман даярлау ісіне ҚР Президенті Қ.К.Тоқаев тарапынан ерекше көңіл бөлініп, үздіксіз қолдау көрсетілуде. Біздің оқу орны өзіне үлкен жауапкершілік жүктелгенін сезініп, биік белестерден көрінуді мақсат етеді.*

## **МЕНИҢ ТАҢДАУЫМ – ӨЗБЕКӘЛІ ЖӘНІБЕКОВ АТЫНДАҒЫ ОҢТҮСТІК ҚАЗАҚСТАН ПЕДАГОГИКАЛЫҚ УНИВЕРСИТЕТІ**

### **ОҚУ ҒИМАРАТТАРЫ ЖӘНЕ СТУДЕНТТЕР ҮЙІ**





## СТУДЕНТТЕРДІҢ ҚҰҚЫҚТАРЫ МЕН МІНДЕТТЕРІ

| <b>Құқықтары</b>   |
|--|
| ➤ Жалпыға міндетті стандартты мамандықтың аясында білім алу;   |
| ➤ академиялық және академиялық емес қызметтің кез келген оқу және оқудан тыс бөлімшелерінен, университет әкімшілігі тұлғаларынан ақпарат сұрату және алу;                  |
| ➤ оқу жоспарына сәйкес, қосымша білім беру қызметтерін өзінің қабілеті мен қажетіне сай балама курстарды таңдау;   |
| ➤ барлық оқылатын пәндер бойынша силлабустар және пәндердің оқу-әдістемелік кешенін, ақпараттық ресурсты, кітапхана мен техникалық орталықтардың қызметін тегін пайдалану; |
| ➤ оқылатын пәннің сапасы мен деңгейін бағалай отырып, профессор-оқытушылар құрамының сауалнамасына қатысу;   |
| ➤ бір оқу орнынан басқа оқу орнына, бір білім беру бағдарламасынан екіншісіне ауысу;   |
| ➤ университеттің спорттық және мәдени өміріне жоспардан тыс қатысу.  |
| <b>Міндеттері</b>  |
| ➤ белгіленген мерзімде оқу жоспарына сай тапсырмаларды орындау;  |
| ➤ күнделікті сабақтарға қатысу;  |
| ➤ сабақтан кешікпеу;   |
| ➤ университет мәртебесіне қамқорлық ретінде мәдени және кәсіптік деңгейін жоғарылату;  |
| ➤ университет қызметкерлерінің, оқытушыларының адами қадір-қасиетін және білім алушылардың пікірін құрметтеу;  |
| ➤ университет мүлкін қорғауға, ішкі тәртіп пен жатақхана ережесін сақтау.  |

## **ID КАРТА АЛУ. КОРПОРАТИВТІК ПОШТА**

Талапкер күндізгі оқу нысанының бірінші курсына қабылданғаннан кейін факультет деканаттарында студенттерге ID-карта беріледі. ID-карта студенттік билет, кітапханадан оқулық алу үшін оқырман билеті және университет аумағына кіруге рұқсат беретін бірден-бір құжат ретінде де қолданылады. ID-картаны басқа тұлғаға беруге немесе басқа біреудің ID-картасын қолдануға және оның балама түрін жасауға қатаң тыйым салынады.

Өзбекәлі Жәнібеков атындағы Оңтүстік Қазақстан педагогикалық университеті барлық студенттеріне корпоративті электронды пошта ашылған және оны студенттер – өз деканаттарынан ала алады.

Корпоративті электронды пошта университеттің доменінде құрылған және бұл поштаны қолдану арқылы университеттің жұмысын тиімді жүргізуге мүмкіндік береді. Ең алдымен, бұл поштаға деген сенім артады және пошта қауіпсіздігін арттыруға мүмкіндік жасалады. Университет осы пошта қолданушыларының іс-әрекеттерін бақылау мақсатында көре алады және қолданушыларға көмек (пароль ауыстыру) керек болса, дер кезінде көмек көрсете алады.

Корпоративті электронды пошта форматы:

familiyanyz.atynyz@okmpu.kz

## **ЖАТАҚХАНАҒА ОРНАЛАСУ ПРОЦЕДУРАСЫ**

Жатақханаға орналасу үшін білім алушы *Платонус* жүйесі арқылы онлайн түрдегі өтінім беруі тиіс.

Сонымен қатар арнайы комиссия ұсынылатын төмендегі құжаттарды сканерлеп, тіркеуі керек:

- 1) университет ректорының атына өтініш;
- 2) мүгедектігі туралы анықтама (бар болған жағдайда);
- 3) жетім/жартылай жетім екендігін растайтын құжаттың көшірмесі;
- 4) көп балалы отбасынан шыққандығын растайтын құжат;
- 5) халыққа қызмет көрсету орталығынан алынған тұрғылықты мекенжайы туралы анықтама;
- 6) университеттің медициналық қызметінің медициналық тексеру өткізгендігі туралы анықтама;
- 7) GPA балы 3,0-ден кем емес студенттер үшін Тіркеу офісі берген анықтама, факультет деканы бекіткен мінездеме (№1 Студенттер үйіне орналасу үшін);
- 8) жеке куәлік көшірмесі – 2 дана;
- 9) 3\*4 фотосурет – 2 дана;
- 10) жатақханада тұру үшін төленген төлемақы түбіртегі.



## АКАДЕМИЯЛЫҚ АДАЛДЫҚТЫҢ НЕГІЗГІ ҚАҒИДАТТАРЫ

Білім беру процесінде өзінің оқуына жауапкершілігін және жеке адалдығын дамыту білім алушылардың академиялық адалдығының негізгі қағидаттары болып табылады:

- адал ниеттілік – білім алушылардың бағаланатын және бағаланбайтын жұмыстарды әділ, тыңғылықты орындауы;
- авторлық құқықты қорғауды іске асыру – бағаланатын жұмыстарда дерек көздерін көрсетуі, басқаның ойын, сөзін бұрмаламай беруі, авторлық құқықтың нысаны болып табылады.
- ашықтық – өзара сенімділік, білім алушылар мен педагогикалық қызметкерлер және олармен теңестірілген тұлғалардың арасындағы идеялар мен ақпарат алмасудың ашықтығы;
- білім алушылардың бостандығы мен құқықтарын құрметтеу – білім алушылардың пікірімен идеяларын еркін білдіру құқығы;
- академиялық мәдениетті қалыптастыруға ықпал етуші оқытушыға құрмет көрсету;
- академиялық адалдықты ілгерілету және қорғау үшін білім беру процесінің қатысушыларын көтермелеу және ынталандыру;
- Қазақстан Республикасының заңнамасына сәйкес Академиялық адалдық қағидаттарын бұзғаны үшін шаралар қабылдау.

### 2024-2025 ОҚУ ЖЫЛЫНА АРНАЛҒАН АКАДЕМИЯЛЫҚ КҮНТІЗБЕ

| <b>2024 – 2025 оқу жылының күзгі семестрі</b>                  |                       |
|--|-----------------------|
| <b>Пәнге тіркелу</b>   | 26.08-29.08.2024      |
| Күзгі семестрдің пәндері бойынша теориялық курсының басталуы   | 02.09.2024            |
| 1-межелік бақылау  | 14.10-18.10.2024      |
| 2- межелік бақылау   | 09.12-13.12.2024      |
| Күзгі семестрдегі теориялық курстың аяқталуы                   | 13.12.2024            |
| Күзгі семестрдегі емтихан сессиясы (3 апта)                    | 16.12.2024-03.01.2025 |
| Қысқы демалыс (14 күн )  | 06.01.2025-19.01.2025 |
| <b>2024 – 2025 оқу жылының көктемгі семестрі</b>               |                       |
| Оқу практикасы   | 20.01-31.01.2025      |
| Көктемгі семестрдің пәндері бойынша теориялық курстың басталуы | 03.02.2025            |
| 1-межелік бақылау  | 17.03-21.03.2025      |
| 2- межелік бақылау   | 12.05-16.05.2025      |
| <b>Пәнге тіркелу</b>   | 31.03-11.04.2025      |
| Көктемгі семестрдегі теориялық курстың аяқталуы                | 16.05.2025            |
| Көктемгі семестрдегі емтихан сессиясы                          | 19.05-06.06.2025      |
| Жазғы семестрге тіркелу  | 03.06-06.06.2025      |
| Жазғы семестр  | 09.06-18.07.2025      |

## ОҚЫТУДЫҢ КРЕДИТТІК ТЕХНОЛОГИЯСЫ

Университетте оқу процесі оқытудың кредиттік технологиясы (ОКТ) бойынша жүзеге асырылады.

Оқыту пәндерді таңдау негізінде кредитті (пәндердің бірлік өлшемі) пайдаланумен орындалады. Әр пән 5, 4, 3 (кейде 6, 8 кредит) кредитпен өлшенеді және бір семестр барысында оқытылады.

Бір академиялық кредит 30 академиялық сағатқа тең. Оның аудиториялық жұмыс көлемі әр пән көлемінің кемінде 30%-ын құрайды. Оқу жұмысының барлық түрлері бойынша бір академиялық сағат 50 минутқа тең.

Білім алушылардың өзіндік жұмысына үлкен маңыз беріледі: БӨЖ – білім алушының өзіндік жұмысы; БОӨЖ – білім алушының оқытушы жетекшілігімен өзіндік жұмысы.

Әр білім алушыға семестрдің алғашқы аптасында сол семестрде оқылатын оқу жұмыс жоспарының әр пәні бойынша силлабус және оқу-әдістемелік кешен (электронды түрде «универ» жүйесінде) ұсынылады. БӨЖ тапсырмалары және оны тапсыру мерзімі силлабуста көрсетіледі. Оқытушылар Сізден тапсырмаларды оқып және орындауды талап етеді.

Бір оқу жылы аясында оқу процесін ұйымдастыру академиялық күнтізбе негізінде жүзеге асырылады. Академиялық күнтізбеде оқу жылы ішіндегі оқу сабақтарын, аралық және қорытынды аттестаттауды, кәсіптік практикаларды және оқу жұмысының басқа түрлерін өткізудің кезеңдері, демалыс күндері (демалыстар мен мерекелер) көрініс табады. Академиялық күнтізбе «Платонус» жүйесі мен Өзбекәлі Жәнібеков атындағы ОҚПУ сайтына орналастырылады.

### ОҚУ ПӘНДЕРІНЕ ТІРКЕЛУ ЖӘНЕ ЖЕКЕ ОҚУ ЖОСПАРЛАРЫН ҚҰРУ

Білім алушы академиялық тәлімгері – эдвайзердің көмегімен пәндерге тіркеліп, оқу жылына арналған оқытудың жеке оқу жоспарын (ЖОЖ) қалыптастырады. **Тіркеуді жүргізу уақыты академиялық күнтізбеде көрсетіледі.** Пәнді оқуға білім алушыларды тіркеуді Тіркеу офисі ұйымдастырады. Сонымен қатар, әдістемелік-ұйымдастыру және консультациялық жұмыстарды өткізу үшін **арнайы кесте** бойынша эдвайзер-тәлімгерлер презентациялар өткізеді.

Білім алушы тиісті деңгейдегі білім беру бағдарламасын меңгеру үшін әдетте оқу жылында белгіленген 60 кредиттен кем түспейтін санына жазылады. Бұл ретте, білім алушы бір семестр ішінде 30 академиялық кредитті меңгереді. Білім алушының бір семестр ішінде академиялық кредиттердің аз немесе көп мөлшерін меңгеруіне де рұқсат беріледі.

Бакалавриат бағдарламалары бойынша оқудың аяқталуының негізгі өлшемшарты студенттің барлық оқу кезеңінде, оқу әрекетінің барлық түрлерін қоса алғанда, кемінде – 240 кредитті меңгеруі болып табылады.

Өзбекәлі Жәнібеков атындағы Оңтүстік Қазақстан педагогикалық университетіне жаңа түскен білім алушылардың тіркелуі бірінші семестрдің басталуына дейін бағыт беру аптасының ішінде жүргізіледі.

ЖОЖ-ды 1 данада факультет деканы бекітеді және ол деканатта сақталады.

## СТУДЕНТТИҢ ОҚУ САБАҚТАРЫНА ҚАТЫСУЫ

Өзбекәлі Жәнібеков атындағы Оңтүстік Қазақстан педагогикалық университетінің білім алушылары бекітілген кестеге сәйкес барлық оқу түрлерінің сабақтарына қатысуға міндетті. Сабақтан себепсіз қалуға болмайды.

Білім алушы сабақтан келесі дәлелді себептері болған кезде босатылады:

- 1) ауырып қалған жағдайда;
- 2) шетелдік іссапарға болған мерзімде, спорттық жарыстарға барғанда (дәлелді құжаттарды деканатқа өткізу қажет);
- 3) жақын туыстарының қайтыс болуына байланысты (қайтыс болғандығы туралы анықтаманы деканатқа өткізу қажет);
- 4) университет басшылығының келісімімен республикалық, облыстық, университет деңгейдегі басқа іс-шаралар (өкім), сондай-ақ құжатталған форс-мажор жағдайларда.

Бір академиялық кезең (семестр) ішінде дәлелді себепсіз, үзіліссіз 72 және одан көп сағат сабақты жіберіп алған білім алушылар университеттің академиялық саясатын бұзғаны үшін оқудан шығарылады.

## СТУДЕНТТЕРДІҢ ОҚУ ЖЕТІСТІКТЕРІН БАҚЫЛАУ

Білім алушылардың оқу жетістіктерін тексеру үшін университетте олардың білімін бақылаудың келесі түрлері қарастырылған:

- межелік бақылау;
- аралық бақылау (емтихан).

Межелік бақылау дегеніміз – академиялық кезең ішінде 8 және 15 апталарда оқытушының аудиторияда және аудиториядан тыс жұмыстарда жүргізген оқу жоспарына сәйкес студенттердің білімін жүйелі түрде тексеру.

Межелік бақылау тапсырмаларын орындауға арналған балл пәннің силлабусында апта сайын орындалған тапсырмалардың саны мен қиындық дәрежесіне сәйкес бөлінеді.

Межелік бақылаудың бағалары «Платонус» жүйесіне қатысу журналында пәннің силлабусына сәйкес тиісті оқу аптасында қойылады.

Білім алушылардың үлгерімін межелік бақылау бір семестрде 7 және 15 апталарында 2 рет қорытындыланады. Әрбір межелік бақылау аралығында профессор-оқытушы құрамы білім алушыларды практикалық, лаборатория, семинар, БӨЖ және т.б. сабақтарында ағымдық бағалайды, жиынтық балл «Платонус» жүйесінде автоматты түрде шығады.

Білім алушы белгілі бір себептермен (денсаулығына, отбасы жағдайына, қызметтік себептерге байланысты дәлелді құжаттары болған кезде) силлабуста көрсетілген бағалау аптасында болмағандығына байланысты межелік бақылау тапсырмаған жағдайда факультет деканы жеке кесте бойынша тапсыруға рұқсат бере алады.

**Аралық бақылау (емтихан)** – пәнді оқыту мерзімі аяқталғаннан кейін академиялық күнтізбеге сәйкес **емтихан сессиясы** кезінде жүзеге асырылады.

Емтихан кестесі емтихан сессиясы басталмай тұрып Тіркеу офисінде дайындалып, «Платонус» жүйесіне қойылады.

Сессияға оқу ақысын толық төлеген, сабаққа 70%-дан жоғары қатысқан, емтиханға жіберу рейтингі балын (**РЖ ≥ 50 балл**) жинаған, академиялық демалыста немесе ұзақ мерзімді емделуде болмаған студенттер жіберіледі.

Емтихандар ауызша, жазбаша, тест, шығармашылық, жоба, аралас және т.б. түрде өткізіледі.

Емтихан басталғанға дейін білім алушы емтихан тәртібі ережелерімен танысуға және осы ережелерді сақтауға жеке жауапкершілікпен қарауға міндетті.

Емтиханға келмеген жағдайда білім алушы пән бойынша «F» (Fail) деген баға қойылады.

Емтиханға **себепті жағдайларда** (денсаулығына, отбасы жағдайына, қызметтік себептерге байланысты) **келмеген** білім алушыға растайтын құжаттары болған кезде факультет деканы өкіммен емтиханды жеке кесте бойынша тапсыруға рұқсат береді.

Білім алушының қорытынды бағасының 60%-ы ағымдық бақылаулардан (практикалық, лаборатория, семинар, БӨЖ және т.б. сабақтарынан), қалған 40%-ы емтиханнан жиналады.

Білім алушылардың үлгерімін бағалау ағымдық пен межелік бақылаулардың және аралық аттестаттаудың балдарынан тұрады. Бақылаудың барлық түрі 100 балдық шкалада бағаланады.

Ағымдық бақылаудың қорытынды балы сабақтардың түрлері бойынша балдардың үлес салмағы ескеріліп есептеледі. Сабақтардың түрлері бойынша балдарының үлес салмағы, мысалы, келесі кестеге сәйкес болады:

| Сабақтың түрлері                       | Үлес салмағы   |     |     |     |     |     |     |     |
|--|----------------|-----|-----|-----|-----|-----|-----|-----|
|  | К <sub>1</sub> | 0,2 | 0,2 | 0,2 | 0   | 0,7 | 0   | 0   |
| Лекция (L)                             | К <sub>1</sub> | 0,2 | 0,2 | 0,2 | 0   | 0,7 | 0   | 0   |
| Практикалық (Семинар) сабақ (P)        | К <sub>2</sub> | 0,5 | 0,2 | 0   | 0,7 | 0   | 0   | 0   |
| Лабораториялық (Зертханалық) сабақ (Z) | К <sub>3</sub> | 0   | 0,3 | 0,5 | 0   | 0   | 0   | 0,7 |
| Студиялық сабақ (S)                    | К <sub>4</sub> | 0   | 0   | 0   | 0   | 0   | 0,7 | 0   |
| БӨЖ (B)                                | К <sub>5</sub> | 0,3 | 0,3 | 0,3 | 0,3 | 0,3 | 0,3 | 0,3 |
| Жалпы                                  | 1              | 1   | 1   | 1   | 1   | 1   | 1   |     |

Бағалауды компьютер төменде көрсетілген формулаларға сәйкес автоматты түрде жүргізеді.

$$AB1(AB2) = K_1 \cdot L_{op} + K_2 \cdot P_{op} + K_3 \cdot B_{op}$$

$L_{op}$ -лекция бойынша,  $P_{op}$ -практика бойынша,  $B_{op}$ - БӨЖ бойынша орташа балдар.

7-ші және 15-ші апталардағы қорытынды рейтинг балы келесі түрде есептеледі:

$$P1(P2) = 0,6 * AB1(AB2) + 0,4 * MB1(MB2)$$

$P1$  – бірінші рейтинг,  $P2$  – екінші рейтинг.

Емтиханға жіберу рейтингісі есептеу:

$$PЖ = \frac{P1 + P2}{2}$$

Емтиханға жіберу рейтингісі **РЖ ≥ 50** болу керек.

Ағымдық және межелік бақылаулар білім алушының қорытынды балының 60%-ын құрайды, ал қалған 40%-ды емтиханнан жинайды.

**Аралық аттестаттаудың қорытындысы төменде көрсетілген формуламен есептелінеді:**

**Қорытынды бағалау (ҚБ) = 0,6\*РЖ+0,4\*Е**

**Назар аударыңыздар:** Қорытынды бақылаудың оң бағасын емтихан сессиясының осы кезеңінде көтеру мақсатында қайта тапсыруға рұқсат етілмейді.

«FX» «қанағаттанарлықсыз» бағасын алған білім алушы оқу пәнінің бағдарламасын қайта өтпей, университеттің академиялық күнтізбесіне сәйкес қорытынды бақылауды бір рет тапсыруға рұқсат беріледі.

«F» белгісіне сәйкес келетін «қанағаттанарлықсыз» бағасын алғанда білім алушы осы оқу пәніне қайта жазылады, дәрістердің барлық түрлеріне қатысады, бағдарламаға сәйкес оқу жұмысының барлық түрлерін орындайды және қорытынды бақылауды тапсырады.

### **СТУДЕНТТЕРДІ ОҚУДАН ШЫҒАРУ**

**Білім алушылар университеттен келесі жағдайларда оқудан шығарылады:**

- 1) академиялық үлгермеушілігі;
- 2) академиялық адалдық қағидаттарын бұзғаны үшін;
- 3) Ішкі тәртіп қағидалары мен ЖОО жарғысын бұзғаны үшін;
- 4) білім беру қызметтерін көрсету туралы шарттың талаптарын бұзғаны үшін, оның ішінде ақылы негіздегі оқу төлемақысын төлемеген жағдайда;
- 5) өз еркімен;
- 6) курстан-курсқа қалдырылған білім алушылар қайта оқуға тіркелмеген жағдайда.

Университеттен оқудан шығарылған білім алушыға белгіленген үлгідегі академиялық анықтама (транскрипт) беріледі.

### **ҚАШЫҚТЫҚТАН БІЛІМ БЕРУ ТЕХНОЛОГИЯСЫ БОЙЫНША ОҚУ**

1. Оқу процесін жаппай қашықтықтан білім беру технологиясына (ҚБТ) оқытуға ауыстыру тиісті мемлекеттік органдар шектеу іс-шараларын жүзеге асырған, төтенше жағдайлар енгізілген жағдайларда білім беру саласындағы уәкілетті мемлекеттік органмен келісім бойынша іске асырылады.

2. Университет ҚБТ бойынша оқу процесі «Платонус» автоматтандырылған-ақпараттық жүйесінде, ZOOM платформасында және оқытушылар таңдаған басқа да платформаларда «online», «offline» режимінде іске асырылады.

3. Барлық пәндер бойынша лекциялық, практикалық және зертханалық сабақтар сабақ кестесіне сай, ZOOM немесе оқытушылар таңдаған басқа да платформаларда түрлі формада (бейне-конференциялар, бейне-лекциялар, дербес онлайн-жұмыс, онлайн-курстар, чат-сабақтар, веб-сабақтар және т.б.) жүргізіледі. Бірақ тапсырмалар бойынша кері байланыс «Платонус» жүйесі арқылы жүзеге асырылады.

4. Пәндердің бейнесабақтарын университет сайтындағы сілтемелер арқылы кафедралардың Youtube каналдарынан көруге болады.

5. Білім алушылар сабаққа кестесіне сәйкес жүргізілетін онлайн сабақтарға қатысуы міндетті. Сабақтан босату себепті жағдайларда ғана рұқсат етіледі.

6. Пән оқытушысы білім алушылардың білімін ағымдық және межелік бақылауларды электронды ресурстар арқылы түрлі (тест, жазбаша, аралас, портфолио, эссе және т.б.) формада жүзеге асырады.

7. Білім алушылар онлайн сабақ барысында әдеп нормаларын сақтауға міндетті.

## GRA ЖӘНЕ ОНЫ ЕСЕПТЕУ ӘДІСІ

### GRA деген не?

**GRA (grade point average)** – білім алушы үлгерімінің орташа балы, бір оқу жылындағы оқу жетістіктерінің бағалау деңгейі. GRA нәтижесі келесі курсқа ауысу және мемлекеттік білім грантын сақтауға негіз болып табылады.

Келесі оқу жылына көшуге, сонымен қатар мемлекеттік білім грантын сақтауға қажетті үлгерімнің төменгі орташа балы (GRA)

1) бакалавр бағытында:

1-курстан 2-курсқа – 1,8;

2-курстан 3-курсқа – 2,0;

3-курстан 4-курсқа – 2,0;

4-курстан 5-курсқа – 2,0

2) магистратура бағытында:

1-ші курстан 2-ші курсқа – 2,2.

3) докторантура бағытында:

1-ші курстан 2-ші курсқа – 2,2;

2-ші курстан 3-ші курсқа – 2,5.

### GRA-ны қалай есептейді?

Курс бойынша емтихан сессияларының қорытындылары бойынша жазғы семестрдің нәтижелерін қоса есептегенде Тіркеу офисі білім алушының орта балын (GRA) анықтайды. Бұл балл барлық кредиттер сомасы мен пән бойынша қорытынды бағасын (сандық көрсеткішпен) ағымдағы академиялық кезеңдегі кредиттер сомасынан есептейді. GRA білім алушының транскрипінде тіркеледі. GRA төмендегідей формула бойынша есептеледі:

$$GRA = \frac{ҚБ_1 * K_1 + ҚБ_2 * K_2 + \dots + ҚБ_n * K_n}{K_1 + K_2 + \dots + K_n}$$

$ҚБ_1, ҚБ_2, \dots$  – сандық көрсеткіштегі пәндер бойынша қорытынды бағалар;

$K_1, K_2, \dots$  – оқытылған пәндер көлемі (кредит бойынша);

$n$  – бүкіл оқу мерзімінде оқытылған пәндердің саны.

GRA есептеу үлгісі:

| Пән              | Кредит | Әріптік жүйе бойынша бағалар | Балдардың сандық эквиваленті |
|------------------|--------|------------------------------|------------------------------|
| Қазақстан тарихы | 5      | A+                           | 4,0                          |
| Философия        | 5      | B                            | 3,0                          |
| Математика       | 6      | B                            | 3,0                          |

Қазақстан тарихы:  $4,0 \times 5 = 20,0$ ;

Философия:  $3,0 \times 5 = 15,0$ ;

Математика:  $3,0 \times 6 = 18,0$ ;

Кредиттер сомасы:  $20 + 15 + 18 = 53$ ;

Кредиттердің жалпы саны:  $5 + 5 + 6 = 16$ .

$GPA = \text{кредиттер сомасы} / \text{кредиттердің жалпы саны} = 53 / 16 = 3,31$ .

### **ОҚЫТУ ПОРТАЛЫ**

Өзбекәлі Жәнібеков атындағы Оңтүстік Қазақстан педагогикалық университетіндегі оқыту порталы – «Платонус» автоматтандырылған-ақпараттық жүйесі.

«Платонус» жүйесінде әр білім алушының жеке парағы (жеке web-парақшасы) жасалған, студенттердің керекті ақпаратты табуына, қашықтықтан оқитын студенттерге тез арада оқу және бақылау бағдарламаларына еніп, оқытушылармен интернет желісі арқылы немесе жоғары оқу орнының ішкі желісі арқылы қатынас жасауына көмек көрсетеді.

Бұл жүйе – өте қызықты әрі қажетті, өйткені кез келген білім алушы өз парақшасына кіру арқылы өз бағаларын, ағымдық, межелік бақылаулар мен емтихан қорытындыларын, яғни пән бойынша қорытынды бағаларын, академиялық қарыздарын білуге мүмкіндік алады.

Барлық білім алушылар Алатонус ақпараттық жүйесіне кіру үшін білім беру бағдарламаларына жауапты эдвайзерлерден жеке логиндері мен парольдерін алады.

Платонус жүйесіне кіру үшін интернет желісіне қосылған компьютерде кез келген браузерді (Google chrome, Mozilla Firefox, internet explorer және т.б.) қолдануға болады.

### **ТІРКЕУ ОФИСІ**

Тіркеу офисі – білім алушылардың оқудағы жетістіктерінің барлық тарихын тіркеумен айналысатын және білімді бақылаудың барлық түрін ұйымдастыру жұмысын қамтамасыз ететін, олардың транскриптерін, жеке істерін жүргізетін академиялық қызмет. Тіркеу офисі университеттің «Қазына» ғимаратының екінші қабатында орналасқан.

### **«ҮМІТ» БІЛІМ АЛУШЫЛАРҒА ҚЫЗМЕТ КӨРСЕТУ ОРТАЛЫҒЫ**

Өртүрлі анықтамаларды беретін, білім алушылардың статистикасын жүргізетін, «бір терезе» ұстанымы бойынша жұмыс істейтін білім алушылардың оқу орнын ауыстыруға / оқу орнына қайта қабылдануға, оқудан шығаруға, академиялық демалысқа және тағы басқаға арналған өтініштерін қабылдайтын академиялық қызмет. «ҮМІТ» білім алушыларға қызмет көрсету орталығы университеттің «Д» ғимаратының тұсындағы жеке ғимаратта орналасқан.

### ФИЗИКА-МАТЕМАТИКА ФАКУЛЬТЕТИ

Физика-математика факультеті университеттің ең ежелгі және үлкен факультеттерінің бірі. 1938 жылы Шымкент мұғалімдер институтының негізгі екі факультетінің бірі болып ашылған.

Физика-математика факультетінің деканы – педагогика ғылымдарының кандидаты А.Б.Ибашова.

Факультет «Шаңырақ» оқу ғимаратының 3 қабатында орналасқан. Факультет 6 бакалавриат, 3 магистратура және 6 докторантура білім беру бағдарламалары бойынша кадрлар даярлайды:

| <b>Бакалавриат бойынша білім беру бағдарламалары атауы</b>   | <b>Магистратура және докторантура бойынша білім беру бағдарламалары атауы</b>   |
|--|---|
| 1.6B01501-Математика мұғалімдерін даярлау;<br>2.6B01502-Физика мұғалімдерін даярлау;<br>3.6B01503-Информатика мұғалімдерін даярлау;<br>4.6B01508-Математика-Физика мұғалімдерін даярлау;<br>5.6B01509-Математика-Информатика мұғалімдерін даярлау;<br>6.6B01510-Физика-Информатика мұғалімдерін даярлау; | 1.7M01501-Математика педагогін даярлау;<br>2.7M01502-Физика педагогін даярлау;<br>3.7M01503- Информатика педагогін даярлау;<br>4.8D01501-Математика педагогін даярлау;<br>5.8D01502-Физика педагогін даярлау;<br>6.8D01503-Информатика педагогін даярлау. |

### ЖАРАТЫЛЫСТАНУ ФАКУЛЬТЕТИ

Жаратылыстану факультеті «Шаңырақ» оқу ғимаратының 4 қабатында орналасқан. Жаратылыстану факультетінің деканы – ауыл шаруашылығы ғылымдарының кандидаты Айтбаева А.Е.

Жаратылыстану факультеті 7 бакалавриат, 4 магистратура және 2 докторантура білім беру бағдарламалары бойынша кадрлар даярлайды:

| <b>Бакалавриат бойынша білім беру бағдарламалары атауы</b>  | <b>Магистратура және докторантура бойынша білім беру бағдарламалары атауы</b>  |
|---|--|
| 1.6B01504-Химия мұғалімін даярлау;<br>2.6B01505-Биология мұғалімін даярлау;<br>3.6B01405-Құқық және экономика мұғалімін даярлау;<br>4.6B01506-География мұғалімін даярлау;<br>5.6B01507-Химия-Биология мұғалімін даярлау;<br>6.6B01511-География-Тарих мұғалімін даярлау; | 1.7M01504-Химия педагогін даярлау;<br>2.7M01505-Биология педагогін даярлау;<br>3.7M01506-География педагогін даярлау;<br>4.7M05101-Биология;<br>5.8D01504-Химия педагогін даярлау; |



|  |   |
|--|---|
| 7.6B05101-Биология және сабақтас ғылымдар. | 6.8D01505-Биология педагогін даярлау.<br>7. 8D01401-Құқық және экономика педагогін даярлау. |
|--|---|

### ТАРИХ ЖӘНЕ ПЕДАГОГИКА ФАКУЛЬТЕТІ

Тарих және педагогика факультеті университеттегі үлкен факультеттердің бірі. Факультет тарихы 1937 жылы ашылған алғашқы екі факультеттің бірі ретінде университет тарихымен сабақтасып келеді.

Тарих және педагогика факультетінің деканы – педагогика ғылымдарының кандидаты Таутаева Г.Б. Факультет университеттің «Қазына» ғимаратында орналасқан.

Факультетте 7 бакалавриат, 4 магистратура және 2 докторантура білім беру бағдарламалары бойынша кадрлар даярлайды:

| Бакалавриат бойынша білім беру бағдарламалары атауы   | Магистратура және докторантура бойынша білім беру бағдарламалары атауы   |
|---|--|
| 1. 6B01101-Педагогика және психология;<br>2. 6B01201-Мектепке дейінгі тәрбиелеу және оқыту педагогикасы;<br>3. 6B01301-Бастауышта оқыту педагогикасы мен әдістемесі мұғалімін даярлау;<br>4.6B01601-Тарих мұғалімін даярлау;<br>5.6B01602-Тарих-Дінтану мұғалімін даярлау;<br>6.6B01801-Әлеуметтік педагогика және өзін-өзі тану маманын даярлау;<br>7.6B01901-Арнайы педагогика маманын даярлау. | 1.7M01201-Мектепке дейінгі тәрбиелеу және оқыту педагогикасы;<br>2.7M01301-Бастауышта оқыту педагогикасы мен әдістемесі;<br>3.7M01601-Тарих педагогін даярлау;<br>4.7M01901-Арнайы педагогика;<br>5.8D01301-Бастауышта оқыту педагогикасы мен әдістемесі;<br>6. 8D01601-Тарих педагогін даярлау; |

### ФИЛОЛОГИЯ ФАКУЛЬТЕТІ

Филология факультеті университеттің ең ежелгі және үлкен факультеттерінің бірі. 1937 жылы Шымкент мұғалімдер институтының негізін қалаған алғашқы факультетінің бірі болып ашылған.

Филология факультетінің деканы – филология ғылымдарының кандидаты Масалиева Ж.А.

Факультет университетіміздің «Тұмар» оқу ғимаратында орналасқан. Факультетте 8 бакалавриат, 3 магистратура және 2 докторантура білім беру бағдарламалары бойынша кадрлар даярлайды

| Бакалавриат бойынша білім беру бағдарламалары атауы | Магистратура және докторантура бойынша білім беру бағдарламалары атауы |
|---|--|
|   |  |

|  |  |
|--|--|
| 1. 6B01701 - Қазақ тілі мен әдебиеті мұғалімін даярлау;<br>2. 6B01702 - Орыс тілі мен әдебиеті мұғалімін даярлау;<br>3. 6B01703 - Ағылшын және неміс тілдерінің мұғалімін даярлау;<br>4. 6B01704 - Қазақ тілін оқытпайтын мектептердегі қазақ тілі мен әдебиеті мұғалімін даярлау;<br>5. 6B01705 - Орыс тілінде оқытпайтын мектептердегі орыс тілі мен әдебиеті мұғалімін даярлау;<br>6. 6B02302 - Филология;<br>7. 6B02301 - Аударма ісі;<br>8. 6B01706 - Өзбек тілі мен әдебиеті мұғалімдерін даярлау. | 1.7M01701 - Қазақ тілі мен әдебиеті педагогін даярлау;<br>2. 7M01702 - Орыс тілі мен әдебиеті педагогін даярлау;<br>3.7M01703 - Шетел тілі: екі шетел тілі педагогін даярлау;<br>4. 8D011701 - Қазақ тілі мен әдебиеті педагогін даярлау;<br>5. 6D011800 - Орыс тілі мен әдебиеті педагогін даярлау. |
|--|--|

### **ДЕНЕ ШЫНЫҚТЫРУ ЖӘНЕ СПОРТ ФАКУЛЬТЕТІ**

Шымкент педагогикалық институтында «Дене тәрбиесі» мамандығы 1966-1967 оқу жылында ашылды. Алғаш рет 25 студент қабылданды.

1970-1971 оқу жылында «Дене шынықтыру» мамандығы жеке Дене тәрбиесі факультеті болып құрылды.

Дене шынықтыру және спорт факультетінің деканы – педагогика ғылымдарының кандидаты, доцент Тұрысқұлов Ө.Ж.

Факультет Спорт кешені ғимаратының 2 қабатында орналасқан. Факультетте 2 бакалавриат және 2 магистратура білім беру бағдарламалары бойынша кадрлар даярлайды:

| <b>Бакалавриат бойынша білім беру бағдарламалары атауы</b>   | <b>Магистратура бойынша білім беру бағдарламалары атауы</b>  |
|--|--|
| 1.6B01401-Бастапқы әскери дайындық мұғалімдерін даярлау;<br>2.6B01402-Дене шынықтыру мұғалімдерін даярлау; | 1.7M01401- Бастапқы әскери дайындық педагогін даярлау;<br>2.7M01402- Дене шынықтыру педагогін даярлау. |

### **ӨНЕР ЖӘНЕ БІЛІМ ФАКУЛЬТЕТІ**

Өнер және білім факультеті институттың ертеден келе жатқан факультеттерінің бірі. 1954 жылы Шымкент мұғалімдер институтының негізгі екі факультетінің бірі болып ашылған.

Өнер және білім факультетінің деканы – педагогика ғылымдарының кандидаты Байбатшаева А.Е.

Факультет «Тұмар» оқу ғимаратының 1 қабатында орналасқан. Факультетте 4 бакалавриат, 5 магистратура және 2 докторантура білім беру бағдарламалары бойынша кадрлар даярланады:

| Бакалавриат бойынша білім беру бағдарламалары атауы  | Магистратура және докторантура бойынша білім беру бағдарламалары атауы  |
|--|---|
| 1. 6B01404-Көркем еңбек және сызу мұғалімін даярлау;<br>2. 6B01406-Кәсіптік оқыту мұғалімін даярлау;<br>3. 6B02101-Дизайн;<br>4. 6B01403-Музыка мұғалімін даярлау. | 1. 7M01407-Бейнелеу өнері және сызу педагогін даярлау;<br>2. 7M01406-Кәсіптік оқыту педагогін даярлау;<br>3. 7M01404-Көркем еңбек және сызу педагогін даярлау;<br>4. 7M02101-Дизайн;<br>5. 7M01403-Музыка педагогтерін даярлау;<br>6. 8D01406-Кәсіптік оқыту;<br>7. 8D01407-Бейнелеу өнері және сызу. |

### КІТАПХАНА ЖӘНЕ ЭЛЕКТРОНДЫҚ КАТАЛОГТАР

Кітапхана құрылымы: алты оқу залы (бас оқу залы, ғылыми оқу залы, электронды оқу залы, «100 жаңа оқулық» оқу залы, студенттер үйіндегі оқу залы, салалық оқу залы) және бір абонемент.

Оқытушылар мен білім алушылар үшін «Web. Ирбис 64» электрондық каталогына, деректер қорына және Интернет/Интранет ресурстарына қол жеткізу мүмкіндігі және WI-FI қызмет көрсету аймағы бар. Интернет ресурстарына тегін және шектеусіз қол жеткізу жүзеге асырылады.



Білім алушылар электрондық кітапхана мүмкіндіктерін оқу процесі мен ғылыми зерттеулер үшін қажетті ақпаратты іздеу және өз бетінше жұмыс істеу үшін пайдалануға болады.

Өзбекәлі Жәнібеков атындағы ОҚПУ Интернет желісінде «Web. Ирбис 64» электрондық каталогы жұмыс жасайды:  
<http://irbis.okmpu.kz/>



Цифрлық кітапхана «Акнурпресс»  
<http://aknurpress.kz> . Промокод **asl-898**.

Мультимедиялық оқулықтарды SMART-КІТАР эл. онлайн кітапхана. <https://web.smart-kitap.kz>.

Промокод **AWR-1234**

Эпиграф электронды кітапханасы:  
<https://mbook.kz/ru/index/> Промокод **okmpu23**

Электронды-кітапханалық жүйе  
 “Alemlibrary” <http://new.alemlibrary.kz>

Логин: library2020@inbox.ru

Пароль **223344**

## ІТ ДЕПАРТАМЕНТІ

Цифрландырудағы негізгі мақсат – бәсекеге қабілеттілікті арттыру, халықтың өмір сүру сапасын жақсарту, оқу-тәрбие процесін жеделдету және жеңілдету, білім алушыларға, оқытушыларға, ата-аналарға жүктемені азайту, білім беру сапасын арттыру. Цифрландыру үрдісі университеттің мінсіз білім беру үдерісі мен сапасына әсер етеді.

ІТ департаментінің негізгі міндеттері университеттің ІТ-инфрақұрылымын, цифрлық білім беру ресурстарын, ашық онлайн-курстардың желілері мен платформаларына қолжеткізу, бағдарламалық және техникалық қызмет көрсету және ЖОО көрсетілетін қызметтерді автоматтандыру.

ІТ департаментінің құрылымы және қызмет көрсету түрлері:

1. Техникалық және бағдарламалық қызмет көрсету орталығы:

- Бағдарламалық қамтамасыз ету;
- Оқу үдерісіне қызмет көрсету;
- Техникалық қызмет көрсету ;
- Байланыс бойынша қызмет көрсету.

2. Редакция және дизайн бөлімі:

- Баспахана жұмыстары;
- Дизайнерлік қызмет;
- Фототүсірілім.

## ҚОҒАМДЫҚ КӘСІПТЕР ОРТАЛЫҒЫ. ҮЙІРМЕЛЕР

Орталықтың негізгі мақсаты – студент жастарға эстетикалық тәрбие беру және бос уақытын тиімді пайдалануды ұйымдастыру, талантты жастарды жарыққа шығаруға ықпал ету, түрлі ұжымдарда әлеуметтік-мәдени, тәрбие және сабақтан тыс жұмыс жүргізуге дайын жаңа буын ұстазын даярлау. Қосымша кәсіптік білім беру бағдарламасын іске асыру мақсатында құрылған орталық заманауи технологияларды пайдалану арқылы сабақтан тыс уақытта студенттердің шығармашылық қабілетін шыңдау, олардың адамгершілік, азаматтық тұлғасын қалыптастыруды көздейді. Үйірмеге тұрақты қатысып, белсенділік танытқан әр студент жыл соңында арнайы сертификат алып, қосымша мамандық иесі атана алады.

Қоғамдық кәсіптер даярлау орталығында Эстрада, Айтыс, Дефиле, Домбыра, Бейнелеу өнері, Қолөнер, Аспаптар жасау, Би үйірмелері жұмыс жүргізеді.

Орталық университетішілік іс-шаралардан басқа қалалық, облыстық, республикалық деңгейдегі байқауларға қатысып, өнерпаз студенттердің шығармашылығын шыңдауда елеулі істер атқарылуда.



## МЕДИАОРТАЛЫҚ

Медиаорталық – Өзбекәлі Жәнібеков атындағы Оңтүстік Қазақстан педагогикалық университетінің биік имиджін қалыптастыру және насихаттау жұмыстарын жүйелі жүргізеді. Республикалық, облыстық және қалалық деңгейдегі телеарна, радио және мерзімді басылымдарда ақпараттандыру жұмыстарын жариялап, БАҚ-қа толық және жан-жақты ақпаратты жеткізуге, оларды жариялауға ықпал етеді.

Медиаорталықтың пәрменді жұмысының арқасында ірі шаралар, студент жастардың флеш-мобы, танымал тұлғалармен болған кездесулер, қызықты ашық сабақтар туралы, көңілді тапқырлар командасының ойындары, жас модельердің сән үлгілері және өзге де қызықты оқиғалар телеарналар мен газет беттерінде дер кезінде көрініс тауып жатады.

## ӘСКЕРИ КАФЕДРА

Өзбекәлі Жәнібеков атындағы Оңтүстік Қазақстан педагогикалық университетінің әскери кафедрасы Қазақстан Республикасы Қорғаныс министрінің 2018 жылғы 5 желтоқсандағы №843 бұйрығымен құрылған.

| <b>Запастағы офицерлер бағдарламасы бойынша мамандықтар:</b>  | <b>Запастағы сержанттар бағдарламасы бойынша мамандықтар:</b>  |
|---|--|
| <ol style="list-style-type: none"><li>1) Танк бөлімшелері, бөлімдер мен құрамаларды жауынгерлік қолдану;</li><li>2) Аумақтық қорғанысты жоспарлау және ұйымдастыру</li><li>3) Әскери барлау бөлімшелері мен бөлімдерін жауынгерлік қолдану;</li><li>4) Артиллериялық барлауды ұйымдастыру;</li><li>5) Құрылық әскерлерінде байланысты ұйымдастыру;</li><li>6) Көпмақсатты қолданымдағы автомобиль техникасын жөндеу және пайдалану</li><li>7) Киім-кешекпен қамтамасыз етуді ұйымдастыру;</li><li>8) Өртке қарсы күзетті ұйымдастыру;</li><li>9) Құрлық әскерлерінде тәрбие және идеологиялық жұмыстарды ұйымдастыру.</li></ol> | <ol style="list-style-type: none"><li>1) Атқыштық (бөлімше командирі)</li><li>2) Автомобилдер (Автомобиль техникасын пайдалану);</li><li>3) Бөлімше командирі – жауынгерлік машинасының командирі (жаяу әскердің жауынгерлік машинасы)</li><li>4) Танк командирі (зымырандық-зеңбірекпен қаруланған танк);</li><li>5) Өртке қарсы қорғау және құтқару жұмыстары;</li><li>6) Әскери барлау;</li><li>7) Өртке қарсы қызмет;</li><li>8) Аз қуатты қысқа толқынды радиостанциялар.</li></ol> |



## СТУДЕНТТИК ӨМІР

Студенттік өмір – жеке тұлғаның шығармашылық дамуы мен пайдалы дағдыларды меңгеретін алтын уақыты. Ал студенттік ұйымдар – бұның барлығына қол жеткізудің керемет мүмкіндігі.

Студенттер үшін университетте Өзбекәлі Жәнібеков орталығы, Қоғамдық кәсіптер даярлау орталығы, Жастармен жұмыс бөлімі, Мәдениет бөлімі, Психологиялық қолдау бөлімі, «Тұран» спортклубы жұмыс жасайды.

Университетте 2000 жылдан бастап тұрғылықты жұмыс істейтін Жастармен жұмыс бөлімінің міндеті қоғамдық жастар ұйымы мен бірлестіктерді үйлестіру болып табылады. Жастармен жұмыс бөлімі белсенді, талантты студенттерді танытып, студент жастар үшін түрлі жобалар жасап, пікірсайыс турнирлер, түрлі акциялар ұйымдастырады, студенттердің өзін-өзі басқару жетекшілері арасында семинар-тренингтер, тимбилдингтер ұйымдастырады.

Студенттің жан-жақты дамуы мен шығармашылық әлеуетін қалыптастыруда университеттің жастар ұйымдарының мәні зор.





## СПОРТ КЛУБТАРЫ

Футбол  
Баскетбол  
Волейбол  
Каратэ  
Шахмат  
Тоғызқұмалақ

The collage consists of six small photographs arranged in a 2x3 grid. The top row shows soccer players on a field, basketball players on a court, and volleyball players on a court. The bottom row shows two karate practitioners in white uniforms, a group of people playing chess at a table, and two people playing a board game (Toғызқұмалақ) at a table.



## ДЕНСАУЛЫҚ – ТЕРЕҢ БАЙЛЫҚ

Өзбекәлі Жәнібеков атындағы Оңтүстік Қазақстан педагогикалық университетінің білім алушыларына келісім-шарт бойынша «Алинур и К» клиникасы қызмет көрсетеді. Университеттің 3 оқу ғимараты мен №1-2 студенттер үйлерінде «Мейірім» жастар денсаулығы орталығы орналасқан және 5 медицина қызметкерлері алғашқы медициналық көмек пен дәрігерге дейінгі көмекті көрсетеді. Жылына 1 рет міндетті медициналық тексерулерден өткізеді. Жүкті студенттер, мүгедектік тобы бар, шетел азаматтары диспансерлік қадағалауға алынады, жұқпалы аурудың алдын алу үшін, жеке бас гигиенасы, тиімді тамақтану, отбасын жоспарлауға, салауатты өмір салтын қалыптастыруға мамандар шақыртылып сұхбаттар жүргізіледі.



### МАҢЫЗДЫ БАЙЛАНЫС ЖЕЛІЛЕРІ

|  |                                |
|--|--------------------------------|
| Call center (анықтама алу үшін)                                      | 8 (725) 2 40 07 05             |
| Физика-математика факультеті<br>Ибашова Альмира Байдабековна         | 8 (725) 2 39 00 75, 736 (ішкі) |
| Жаратылыстану факультеті<br>Айтбаева Айгуль Ергеновна                | 8 (725) 2 39 05 11, 740 (ішкі) |
| Тарих және педагогика факультеті<br>Таутаева Гульдарига Батыршақызы  | 8 (725) 2 39 07 36, 737 (ішкі) |
| Филология факультеті<br>Масалиева Жанар Амалбаевна                   | 8 (725) 2 39 05 56, 782 (ішкі) |
| Дене шынықтыру және спорт факультеті<br>Турыскулов Умиралы Жусипович | 8 (725) 2 39 02 19, 751 (ішкі) |
| Өнер және білім факультеті<br>Байбатшаева Айдайқыз Еркінбекқызы      | 8 (725) 2 39 06 31, 785 (ішкі) |